




Get-Together

L'incontro delle lingue La rencontre des langues Inscunter da las linguas Begegnung der Sprachen



communicaziun a las medias

La Svizra – il pajais da quatter linguas?

Basilea, ils 26 d'avrigl 2010: Il project „Get-Together – Inscunter da las linguas“ vul surmuntar ils cunfins linguistics e promover il contact tranter umans giuvens da tut las regions linguistics. Dals 12 da fanadur fin ils 15 d'avust 2010 pon interessentas ed interessents chaminar tras las quatter regions linguistics e viver a moda ludica il fenomen svizzer da la quadrilinguitad sco era da la diversidad culturala da noss pajais.

„Ti es da la Svizra? Lura discurras ti franc bleras linguas!“ – Cun quest'idea vegnan Svizras e Svizzers adina puspè confruntads en l'exteriur. Ma co guardi or en la patria svizra? Quant intensivs èn il dialog e la chapientscha vicendaivla vairamain? Il project „Get-Together“ sa metta sin la tschertga da fastizs.

L'idea davostiers è fitg simpla. Durant ina spassegiada vegnan traversadas tut las quatter regions linguistics da la Svizra. Duas gruppas partan a Chancy e Müstair per s'inscunter ils 8 d'avust 2010 ad Engelberg e per lura chaminar comunablamain a Berna, il cor da la Svizra politica. Là vegn terminà il viadi ils 15 d'avust cun ina gronda festa sin la piazza federala. Envidada dad accompagnar las gruppas plurilinguas è l'entira Svizra. N'emporta nagut, sch'igl è per in di, per in'emna u per l'entir temp da viadi. Cun annunzia u tut spontan. Ils puncts culminants da la spassegiada èn ils otg dis da project, durant ils quals ins obtegna in'invista en la cultura regiunala da tscherts lieus. Ensemen cun la populaziun locala vegnan endrizzads stivas amez plazzas publicas. Quellas duain envidar da baterlar e promover in stgomi interlinguistic. Gruppas da musica, da saut e da teater dal lieu vegnan a sa preschentar ed ils mastergnants ed artists locals envidan da sa participar a differentas activitads.

Inscunters al medem livel

Ch'i saja elecziuns dal cussegl federal u debattas polemicas davart mantegnair il dialect – la communicaziun tranter las regions linguistics è in tema perpeten brisant e fitg actual. Cun Get-Together vulan las organisaturas ed ils organisaturs giuvens stgaffir en ils participants ina conscienza comunabla davart la multifariadad linguistica e culturala da la Svizra.

La populaziun duai avair la chaschun dad exprimer sia opiniun, sias speranzas, ideas, ma era sias retegnientschas en connex cun la quadrilinguitad e la relaziun cun quella. „La finamira n'è betg da tschertgar differenzas, mabain da scuvrir ils tratgs cuminaivels“, è lura era l'idea da Ramona Schneider, la manadra da la giuvna gruppa da project che consista da represchentantas e represchentanants da tuttas regions linguistics. L'uniun „Get-Together – Inscunter stgaffescha chapientscha“, fundada aposta per

quest project, furma la purtadra dal project e vegn sustegnida dad "Infoclic.ch, la Promoziun dad uffants e giuventetgna Svizra", la Confederaziun sco era da differentas autras instituziuns e fundaziuns.

Mai avant hai dà la pussaivladad da viver la plurilinguitad svizra en ina tala furma ed uschè datiers. Las organisaturas ed ils organisaturs èn perquai era persvadids che Get-Together daventia in success: "Las reacziuns sin noss'idea èn fin qua stadas positivas ed i dat adina dapli persunas che mussan interess vi da noss project – vulain perquai ans inscuntrar e far ina gronda festa populara", uschia Schneider. Nagut para pia dad impedir la stad la pli quadrilingua che la Svizra ha vivi insacura.

Ulteriuras infurmaziuns e l'annunzia chattais Vus sin la pagina web dal project: www.get-together.ch

En cas da dumondas stain nus gugent a disposiziun.

Amiaivels salids

Gruppa da project Get-Together

Contact:

Tudestg

Ramona Schneider

+41 79 247 34 08

ramona.schneider@get-together.ch

Talian

Natascha Nota

+41 76 213 28 06

natascha.nota@get-together.ch

Barbara Fe Cretton

+41 76 203 76 09

barbara.fecretton@get-together.ch

Rumantsch

Oliver Nyffeler

+41 79 390 94 66

oliver.nyffeler@get-together.ch

Franzos

Emmanuel Gaillard

+41 79 655 74 04 (CH)

+49 15 126 85 47 93 (D)

emmanuel.gaillard@get-together.ch